

B4 Personalni dokumentur

De kata o bêrš 1912 rode la francuzicka raj kata sja le manuša, kaj nas le permanento bêšîmos, te angêren pesa jek „Carnet anthropometrique“. Ande kado lil ramol, save truposkê sêmnur sî le lileskê gazdaskê taj maj dur arakhadol ando lil o patreto le manušesko taj vi leskê najengê printur. Sigo haznisarde kaća praksa vi aver evropakê thema.



1910

1912

1951

💡 Žanglen tumen

...kê le Řom taj le Sinti sas le maj anglune evropakê manuša, save musaj sas te angêren pesa personalni lila?

...kê le moderni paseportura haznisajle maj but tek pala o dujto ljumako marimos?

✍ Tumari bući

Save personalni lila angêren tumen tumenca? So ramol ande kadala lila pa tumende? So mothol jek personalno dokumento pa k' manuš?

📷 Paj fotografija

Jek „Carnet anthropometrique“, jeg specialno lil pala phirimaskê manuš anda Francuzo, fotografijasa taj najengê printonca pe telu lileskî rig. Naj aver date pa o ženo kaj sîkadol lesko patreto ando lil. Kolekcija Emmanuel Filhol, Bordeaux/Francuzo.



<https://www.romasintigenocide.eu/kelderash/b>